

Naqqiut

Siusinnerusukkut 30. juli 2021-mi nassiunneqarsimasumut taartaasoq.
(*Naalackersuisup taaguutaa allanngortinneqarpoq naalackersuisoqarfiit
allanngortinneqarnerisa kingunerisaanik*)

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiik ingerlatsinermik oqilisaaneq pillugit Kalaallit Nunaannut inatsissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Aktiaatillit kinaassusersinissaannut, paasissutissat ingerlateqqittarnerinut, aamma aktiaatillit pisinnaatitaaffiik ingerlatsinernerup oqilisaavigineranut tunngatillugu Europa-Parlamentip aamma Rådip malitassaani 2007/36/EF-imi aalajangersakkanik piviusunngortitsinermut tunngatillugu minnerpaamik piunasaqaatit aalajangernissaat pillugit Kommissionip naammassinninnissamut peqqussutaa (EU) nr. 2018/1212, 3. september 2018-imeersumi aalajangersakkanut assingusunik Kalaallit Nunaannut aalajangersakkat piviusunngortinnissaat)
(Inuussutissarsiornermut Niuernermullu Naalackersuisoq)

Saqqummiussinermut allakkiaq

(Inuussutissarsiornermut Niuernermullu Naalackersuisoq)

Siullermeenera

Matumuuna aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiik ingerlatsinermik oqilisaaneq pillugit Kalaallit Nunaannut inatsimmik Namminersorlutik Oqartussat akuersissuteqarnissaat pillugu aalajangiiffigisassatut siunnersuut Naalackersuisut saqqummiuppaat.

Piginnittuiit pillugit malittarisassiat Kalaallit Nunaannut atuutsinneqalernissaa siunertaralugu Naalackersuisut Danmarkip naalagaaffianut attaveqaqqullugit Inatsisartut aalajangiiffigisassatut siunnersuut UKA2019-imi akuersissutigaat.

Tamatumunnga malitseqartitsilluni piginnittuiit il.il. pillugit paasissutissat nalunaarsornerinut, tamanullu saqqummiunnerinut tunngasunik tamakkiisumik inatsisiliatigut katersanut siunnersuusiortoqarpoq.

Inatsisissatut siunnersuutip maannakkut oqaluuserisatta saniatigut malittarisassiani katersani ingerlatseqatigiiffinnut inatsiseqartitsinikkut inatsisaasuni arlalinni piginnittuiit nalunaarsorfissaannik atuutsitsilerneq ilaavoq. Taamaattumik piginnittuinnik nalunaarsuiffiup atuutilernera, aamma ingerlatseqatigiiffinnut inatsimmi aalajangersakkanik nutarsaanerit pillugit, sulliviit inuussutissarsiuutit ingerlatat ilaat pillugit inatsit pillugu, inuussutissarsiuutitalugu aningaasaateqarfiit pillugit inatsit pillugu, aamma

aningaasaateqarfiit pillugit inatsit pillugu aalajangiiffigisassatut siunnersuutininik ataatsimiinnermi matumani Naalakkersuisut saqqummiussaqaarniarput.

Inuussutissarsiorfimmik suliassaqaarfiup iluani suliassaqaarfiit arlallit suli Danmarkimi oqartussaasoqaarfiit piginnaasaqaarfiisa ataaniipput. Tamatumani ilaavoq ingerlatseqatigiiffinnut inatsisiliorneq, suli Danmarkimi oqartussaasuni danskit akisussaaffigisaat. Ingerlatseqatigiiffinnut inatsisaasunik suliassaqaarfimmi Danmarkimi aamma Kalaallit Nunaanni inatsisit ilarujussui nunat tamalaani inatsisiliornermik, ilanngullugu minnerunngitsumik EU-mi malittarisassianik tungaveqarpoq. Kalaallit Nunaat EU-mi ilaasortaangilaq, Kalaallit Nunaannilu EU-mi peqqussutit atuuttuunngillat. Taamaattumik Namminersorlutik Oqartussanit tiguneqarsimanngitsuni suliassaqaarfiusuni EU-mi peqqussutini aalajangersakkanut assingusunik Kalaallit Nunaanni aalajangersakkanik atuutsitsisoqalissappat tamanna Folketingip inatsisaatigut pissaq.

EU-mi peqqussummik, soorlulusooq kingusinnerusukkut tamatumunnga allannguutaasinnaasut atuutsitsinissamut pisariaqartunik Kalaallit Nunaannut malittarisassianik naalakkersuisup aalajangersaasinnaanissaanut inatsisissatut siunnersuut pisinnaatitsisummik imaqaarpoq.

Kalaallit Nunaannut taamaallaat atuuttussanik inatsisissatut siunnersuutit oqaluuserineri pillugit malittarisassiat malillugit inatsisissatut siunnersuutip Folketingimut saqqummiunnera sioqqullugu namminersorlutik oqartussat oqaaseqaataat pigineqassaaq. Taamaattumik 2021-mi Folketingimi inatsisissatut siunnersuutip oqaluuserinissaa angumerineqarsinnaaniassammat oqaluuserisassanut siullinngortillugu aalajangiiffigisassatut siunnersuut inissinneqarsimavoq.

Taamatut oqaaseqaateqarlutik siunnersuut Inatsisartuni akuersaartumik oqaluuserisassanngorlugi Naalakkersuisut saqqummiunniarpaat.